

ու մնացել են Հայկական հնաւանդ սովորութիւններէրից ու բարքերից շատերը. որպիսիք են՝ փոքրիկ մանկան քնեցնելիս մայրը երկիւղածութեամբ խաչակնքում է*) նրա վրայ և կամացուկ կերպով շնչում է միայն Յիսուս, Քրիստոս: Հացի խմորը հունցելուց յետոյ նորադարձ թրքուհին իւր բազուկներով խաչ է քաշում խմորի երեսին: Քանիցս անգամ ես հարցրել եմ թրքացած կանանցից շատերին, թէ «ինչո՞ւ էք խաչ քաշում նոր հունցած խմորի վրայ»: Միշտ պատասխանել են ինձ, միայն «խաչ» բառից խուսափելով, թէ «Աթաղան, բաբաղան կալան բիզըմ քէօհնայ աղաթըմըզզըր, «նշանագեայ» չէքիբըխ քի, բիզըմ թաղայ խամըմըզ համեաշայ բերաքեաթլի օլսուն»:—Այսինքն՝ մեր հօրից և պապերից մնացած մեր հին սովորութիւնն է, այդ «նշանը» քաշում ենք, որ մեր խմորը ամեն ժամանակ անհատ ու անպակաս լինի»: Այսօրուայ պէս ես յիշում եմ հետեեալ քրիստոնէական սովորութիւնը, որ տեղ-տեղ դեռ ևս մնացել է թրքացած գիւղերում անկորուստ: Զատիկի օրը, իմ ծննդավայր Զուլու գիւղի թրքացած ընտանիքների երեխաները խումբ-խումբ գալիս էին մեր եկեղեցու բակը և իրենց հետ բերած կարմիր ձուաներով (հաւկիթ) խաղում էին մեզ՝ հայ երեխաներիս հետ: Բայց մենք շատ անգամ խոյս էինք տալիս նրանցից և կամ անգիտակցաբար նրանց դուրս

*) «Աղուանից երկիր», տէս, երես 293: